

Headline	Maut terkena renjatan elektrik		
MediaTitle	Sinar Harian		
Date	17 Nov 2019	Language	Malay
Circulation	140,000	Readership	420,000
Section	Nasional	Page No	30
ArticleSize	181 cm ²	Journalist	N/A
PR Value	RM 11,512		



Maut terkena renjatan elektrik



Anggota polis mengangkat mayat mangsa untuk dihantar ke HTAA kelmarin.

KUANTAN - Seorang lelaki maut akibat terkena renjatan elektrik di tapak bekas lombong bauksit belakang sebuah stesen minyak di Jalan Pintasan Kuantan di sini petang kelmarin.

Mayat mangsa, Mohd Faez Mohd Jefri, 28, beralamat di Lorong Kampung Pandan Makmur 5 di sini ditemukan oleh orang awam yang juga pemilik tanah kira-kira jam 3 petang.

Ketua Polis Daerah Kuantan, Asisten Komisioner Mohd Noor Yusof Ali berkata, pihaknya menerima laporan berhubung penemuan mayat tersebut pada jam 3.15 petang sebelum sepasukan anggota polis bersama pasukan forensik ke lokasi untuk siasatan.

Menurutnya, hasil siasatan mendapati mangsa dipercayai mati akibat terkena renjatan elektrik.

“Polis turut menemui sebuah kereta Proton Wira dan hasil pemeriksaan ke atas kenderaan itu, anggota menemui kabel elektrik dan lesen memandu atas nama mangsa,” katanya.

Mohd Noor berkata, semakan rekod ke atas identiti pemilik kenderaan tersebut mendapati ia didaftarkan atas nama seorang wanita yang juga ibu mangsa.

Beliau berkata, Tenaga Nasional Berhad (TNB) turut ke lokasi bagi mematikan arus elektrik yang masih ada di lokasi.

“Mayat mangsa dihantar ke HTAA (Hospital Tengku Ampuan Afzan) di sini untuk proses bedah siasat.

“Hasil siasatan awal mendapati kejadian tidak melibatkan unsur jenayah dan kes diklasifikasikan sebagai mati mengejut,” katanya.